



**STRUČNA SLUŽBA OV- Ilijaš**

**PREDMET: Vijećnička pitanja i inicijative- dostavlja se -**

Na 33. sjednici OV Ilijaš održanoj 30. 09. 2019. godine postavljena su slijedeća vijećnička pitanja i inicijative:

**ANEL BUMBULOVIĆ - vijećnik SDA**

**1. Inicijativa:**

**Pitanje:**

**Kada će biti izvršena sanacija stubova ulične rasvjete u ul.Žrtava genocida u Srebrenici?**

**Obrazloženje:** Na jednoj od prethodnih sjednica sam pokrenuo inicijativu za sanaciju istih. Nadležna služba je izašla na teren, fotografisala i utvrdila da određeni broj stubova ne stoji u vertikalnom položaju, te da isti predstavljaju potencijalnu opasnost.

**Odgovor:**

Po ponovljenoj inicijativi , Općinska služba je inovirala zahtjev za sanaciju. U telefonskom kontaktu sa Ministarstvom komunalne privrede i infrastrukture koje je nadležno za održavanje javne rasvjete, služba je dobila informaciju da je za predmetni lokalitet ulice "Žrtava genocida u Srebrenici" izdat nalog firmi koja održava javnu rasvjetu da izvrši sanaciju oštećenih stubova, tako da se vrlo brzo očekuje sanacija iste.

**ELDAR ŠEHIĆ- vijećnik SDP-a**

**Pitanje:**

**Postavljam pitanje vezano za naše glavno šetalište u Ilijašu, a odnosi se na nedavno čišćenje ulice koje je finansirala Općina Ilijaš.**

**Da li, i ako jeste, ko je vršio nadzor radova čišćenja ulice? Je li dogovoreno čišćenje cijele ulice i ako jeste zašto nije odrađeno?**



**Odgovor:**

Ovo pitanje se odnosi na realizaciju projekta " Usluge mašinskog čišćenja i održavanja javne površine , pješačke zone u Ilijašu". Projekat je obuhvatao čišćenje i pranje pješačke zone sa pasažima, gletovanje žardinjera, farbanje žardinjera akrilnom bojom za beton, uklanjanje naljepnica sa panoa na početku i kraju pješačke zone, čišćenje glavnih slivnika , dužine 280m pomoću WOME , čišćenje stubova od fasadne boje, pranje stubova i zamjena vertikalnih odvodnih cijevi Ø 100 sa čeličnim pocinčanim bojenim plastificiranim limom (braon) postavljeni na tipske olučne nosače. Nakon provedenog postupka u skladu sa ZJN kao najpovoljniji ponuđač je odabrana firma AIDA COMMERCE doo Sarajevo. U cilju realizacije projekta u skladu sa potpisanim ugovorom , nadležna služba za saobraćaj i stambeno-komunalne poslove je za sve vlasnike objekata u pješačkoj zoni, pripremila obavještenja o uklanjanju inventara (stolova, stolica, suncobrana i drugih sadržaja) kako bi se očistio kompletan prostor oko poslovnih objekata u pješačkoj zoni. Svi vlasnici i korisnici prostora su iskazali saradnju i omogućili firmi da izvrši ugovorene poslove , tako da je u potpunosti izvršeno čišćenje kompletne pješačke zone. Kako se projekat odnosio uglavnom na poslove čišćenja a ne građevinske radove nije bilo neophodno imenovati posebni nadzor kao za izvođenje građevinskih radova. Nadležna služba je pratila izvođenje ugovorenih radova koje je firma AIDA COMMERCE doo Sarajevo korektno izvela.

